



仕蹟

漢

曾譚舉孝廉歷尚書郎有文武才官至太常卿

蔣晉漢靈帝時舉孝廉授尚書郎出補汝南太守遷交州刺史入奏事應對不滯拜尚書僕射清直爲羣僚推服

劉優父綽自彭城起家出補零陵太守優少有雋聲舉孝廉漢獻帝時爲御史大夫遷尚書僕射

劉敏優之孫善草書弱冠與蔣琬俱知名舉孝廉後主時除御史糾察名實廷中稱當爲揚威將軍魏遣曹爽侵蜀

敏率兵迎敵以功封雲亭侯後加中書侍郎拜成都尹政行化洽

蔣琬字公琰弱冠知名以州書佐隨先主入蜀除廣都長

先主嘗至廣都見琬沈醉不事事大怒將加責諸葛亮曰
琬社稷之器非百里才也置在安民不先修飾願察之先
主有免後召爲尚書郎亮開府舉琬茂才固讓劉巴等遷
爲參軍長史亮北征琬留統府事嘗足兵食以相供給亮
每言公琰託志忠難當與吾共贊王業亮病密表後主後
事當以付琬尋以琬爲尚書令亮初喪遠近危悚琬無感
容無喜色神守自若眾望漸服尋詔爲大將軍加大司馬
琬與費禕等議以姜維爲涼州刺史自帥軍屯涪疾卒諡
恭侯有疏錄入執文昔東曹掾楊戲素簡畧琬與戲言戲
時不應或曰戲慢公矣琬曰面從後言古人所誠戲欲贊
吾是耶則非其心欲反吾言耶則又顯吾之非是以默然
又督農楊敏毀琬曰作事憤憤誠不及前人或以告琬並

請推究之琬曰吾實不如前人無可推也後敏坐事繫獄
眾懼必死而琬心無適莫竟免重罪其長厚類如此一子
斌顯斌嗣爲綏武將軍魏鍾會至漢城與斌書欲詣斌先
墓斌答書謝之會得書嗟歎後主旣降鄧艾斌詣會於涪
待以賓友密授姜維指隨至成都爲亂兵所殺斌弟顯太
子僕射會亦愛其才學與斌同死難

賴恭才器不凡荆州牧劉表遺恭代張津爲交州刺史吳
匡代史黃爲蒼梧太守後匡與恭相失恭還零陵

劉先字始宗博學淵記明習漢家典故爲劉表別駕奉章
詣許見曹操問劉牧如何郊天先對曰劉牧託漢室肺腑
處牧伯之位而遭王道未平羣凶塞路玉帛無所聘賴章
表不獲達御是以附告赤誠操問羣凶爲誰先曰舉曰皆

是操曰孤有步騎十萬誰敢不服先曰漢道凌遲無忠義之士翼戴天子而阻兵安忍曰莫己若卽許允智伯復見於今也操默然獻帝時拜武陵太守荆州平入爲尙書魏國既建爲尙書令

蔣珩氣岸英爽仕吳拜始興太守轉廣州都督化行如神後晉開基江表中原士庶相率歸化珩有力焉卒歸葬城東五里地名長塢

黃蓋字公覆初爲郡吏察孝廉辟公府從孫堅舉義兵拜別部司馬潯陽合所在平定遷丹陽都尉山越懷附建安中隨周瑜拒曹操於赤壁蓋建火攻之策大破之拜武鋒中郎武陵蠻反復領太守擊斬數百人酋長效命郡境遂清事無留滯後長沙益陽山賊亂加蓋爲偏將軍病卒英

雄記云蓋南陽太守黃子廉之後自祖遷於零陵遂家焉蓋少孤辛苦備嘗然有壯志雖處貧賤不自同於凡庸嘗以負薪餘閒疏講兵事當赤壁之役爲流矢所中時寒墜水爲吳軍人所得不知其爲蓋也置厠牀中蓋自疆以一聲呼韓當當曰此公覆聲也向之垂涕解易其衣遂得生支宣雅順帝時李固爲荆州刺史表薦其賢

晉

唐安官郡功曹史庾闓薦之曰桂林生於五嶺杞梓出於南荆况千里之朝懷其良彥乎安立身持操行著一邦有得驂軌鸞衡服喪駿足則機石之良選可以對揚萬里者也

唐謙少有志操魏咸寧初舉茂才拜武騎常侍歸晉平吳

楚還授零陵太守境內清晏道不拾遺百姓樂業

葉譚清簡有節操至洛陽舉孝廉王濟謂譚曰君吳楚之人也亡國之餘有何秀異而應斯舉譚曰君不聞明珠大貝生於江海之濱乎武子無以對後除郎中拜太子舍人遷秘書監所在皆有異績中原推重祀鄉賢

唐宏幼穎悟永嘉初舉孝廉拜殿中郎累遷尚書大司徒薦舉賢能朝野多之

南北朝

唐獻之南齊時舉秀才官至廣州都督儀幹魁梧議論剴直才氣出人時谿崗苗負固奉詔討之深入賊境督糧餉規籌策賊以平仍於要害處築城堡濬溝池以備不虞爲墾荒田俾軍耕守復招還苗落被掠者百餘人爲嚮導又

畫通道路以進討苗賊屏迹邊境以清

五代

史萇善屬文吳王恪鎮永州辟爲判官謂萇曰逆寇未殄君有濟物才若垂顧黎元有望矣萇嘉其意乃應召多所裨贊境內肅然

宋

李忠輔字道舉皇祐初以恩格授官攝遷江合有治績桂林北出興安有靈渠漢唐厯修之至是復有震塌堤防罅漏漕舟歲梗帥司以屬忠輔乃大完築復其故迹溉田甚多調桂林司戶參軍遷陽朔知縣大兵南出邑當大道使者旁午羽檄紛馳忠輔一無所擾而供億悉辦未幾引疾

歸

唐績字公懋苦學至忘寢食范祖禹謫永績從問學登元符庚辰進士歷潭州司戶遷衡山令山僧田當民田半賦入不時績至賦率先期遷鼎州通判會沅州獗寇黃安判荆南帥劉亞夫檄績應援賊平功冠諸路桃源縣方田吏倚法爲市民不堪命相率爲亂眾且數千提點刑獄孫定鑑遣績以兵捕績曰吾民勤服田疇而吏重擾之豈忍加兵耶以溫言慰之鬪者忻然棄仗解散除通判登州未行擢福建路運判民生疾苦必具以聞

朱敏字訥之一字公遠祖錢塘人爲零陵令因家焉舉慶元五年進士歷邵陽簿道州司理衡山丞辰州判官性凝重不飾威嚴而人自畏服所在以廉直著

唐客博學強記與唐麟樂韶共學俱有大志號爲城南三

傑後舉開禧乙丑進士宰豐城政聲爲諸邑最尋知邕州交趾入寇容以兵卻之後隱麻姑山自稱雲壑老人

胡黼字良貴安國會孫祖靜占籍零陵黼領嘉定戊辰鄉薦授崇慶知州興學校清徭役省刑訟民感其德上賜詔旌異之遷池州惠政尤著居官二十載家無餘貲

張韶以明經舉於鄉仕至朝列大夫海北南道宣慰司都元帥府僉事所在人懷之

元

蔣節元末領義兵千人結寨爲保扞李指揮某叛節率兵從討賊有功及湖南寇起節擊之督府上疏謂今靖州安撫司雖朝廷設官鎮邊然黔陽實遐陬居人四散况會同縣舊有城池若以節爲安撫司官領其部曲修葺城池招

撫猺裔討平靖州山寨且守上策也帝嘉納之明學士廖道南著楚紀稱其披瀝有勞於國云

明

唐慎居譚塘永樂丁酉舉人任監察御史巡按廣西有淫祠俗傳著赭衣過者神降之災慎卽著緋往焚其像更其祠爲民居而神亦不能祟也後擢按察司兵備僉事

鄧敬字維城號恪菴永樂戊戌進士除泰興合奏蠲歲征民藉以安息擢監察御史奏汰冗員執法不阿朝紳憚之劉安永樂中知武安縣賦役務均平嘗以事逮詔獄民相謂曰廉父去吾何歸多亡入窮山中及安釋亡者皆歸奏課爲河南第一

張鑑字景昭號湘雲居城西少穎慧力學事親至孝領正

統丁卯鄉舉登天順丁丑進士官刑部主政轉員外郎陞山西副使居官清苦自勵至性真慤不事華飾殫心政事百姓戴之子泰登宏治賢書

王鏞其先南直定遠人高祖乾一起家諸生從明太祖興義旅以功世襲鎮撫祖義充清軍總管中奕元帥從征天月山功最除寶慶衛晉階武毅將軍父健襲職及鏞始改授永州衛居零陵正統間鏞卒五傳至一舉無適子以庶長之箴襲之箴傳宗武宗武無子以義第三子質之十一世孫宗憲襲明亡職除王氏與國休戚明末太宗始絕義之支裔世爲零陵人多著士籍

張信字實之性穎異博通子史負文名尤精理學講心性者問業無虛日以景泰庚午鄉舉授粵西興安令廉以持

己恕以馭民負氣介不撓權勢治聲翕然

原志一作蔣信

胡愷字德彰宋胡寅之裔性孝友由歲貢任南溪主簿年

饑曲爲賑餼多存活者且善治盜使災不爲變以薦陞知

縣有循聲於時

張湛字石亭居湘東性穎敏精通戴記後學多師事之時

有書笥之譽成化辛卯中式選四川潼州州判屢署州事

廉介自持無一毫取於民歸日行李蕭然

郭潤成化中知歸化縣時縣新設潤加意撫徠課農桑興

學造士嘗署門云春雨有田宜早種公門無事莫頻來三

年卒於官

沈良佐字堯卿宏治壬子鄉舉正德戊辰進士任戶部主

事歷官知府轉副使陞廣西左參政爲政平恕所在有惠

績

蔣璋字廷美宏治乙卯鄉舉授內黃縣州學博敦崇風教

所裁就多資時用者遷贛州龍南令清約自甘有蔣青菜

之語以養歸性樂易鄉黨皆親就之善鍾王書法每日臨

池揮毫得者欽爲墨寶著詩文四卷子春生字子成號東

川嘉靖丁酉鄉舉任教諭陞國子監學錄南京兵部員外

郎時倭寇內犯三吳告警春生上計大司馬某而寇遂退

擢戶部郎中仍調度蘇松賦稅陞貴州僉事阿堂寇陷霑

益時春生方爲畢節兵備僉事即率眾往平之黔以安堵

兩臺省方薦其功春生遽告歸

吳禮字克誠號青崖居東岡景泰癸酉舉人成化丙戌進

士初授監察御史尋陞貴州參政振厲風紀不畏權勢卓

然一時

郝浩字子淵號平山宏治乙丑進士任魏縣知縣調山東肥城性剛正持法紀而仁恕愛民抑強扶弱省徭寬刑民愛戴之以內艱去任再補天台調西安其爲政一如魏縣肥城故民皆祠祀之陞全州知州爲忌者中傷赴京再轉汾州以廉直陞南京刑部員外郎是時肅宗繼統議加興獻帝號首輔楊廷和率百官諫止之詔廷臣羣議而張璁桂萼主肅宗意附者皆至大官浩獨上疏爭之以此出爲江西僉事尋卒

朱哀字子文永衛人居邑城北兩鳳坊鏞之子也少穎悟宏治戊午與兄辰同鄉舉壬戌成進士授翰林院庶吉士以闡明正學爲己任詩古文著名大學士李東陽器之遷

南京御史忤劉瑾謫縣丞瑾敗起南京吏部郎中陞雲南左參政居官剛直歷布政按察司風采凜然奸宄斂跡壽至七十一卒於任歸葬河西著有白屏集續郡十三志崇

祀鄉賢

張佩世博學通載記正德二年鄉舉仕浙江通判擢韶州府同知多循蹟富於著述時以仁厚兩優稱之及去韶民祠祀焉

楊材字大賦號二川正德癸酉舉人甲戌進士授江西安仁令有異政宸濠圖不軌材洞知之上書告變並貽浙江左轄何天衢書陰制巨璫畢眞無外應濠敗當時以妬王守仁故抑其功守仁爲在事諸人訟誣材與焉後以資擢監察御史遷雲南僉憲所在以風節聞歸惟圖書數卷而

王誥字承之正德癸酉鄉舉授廣西岑溪令邑毗界潯梧民狃雜處風氣頹頹學宮荒蕪誥捐俸創建以詩書勸誨督之民勃然而風邑境僅四里多逋稅誥歷各崗勸諭之率來輸輸後時陞兩淮漕判以終養歸

石文貴字弟鄉人享親以孝稱少卓犖不羈慕朱家郭解之為人後折節讀書通習史事正德時朝廷開方畧招納天下異能之士始遊庠食餼鄉闈屢薦未售湖南督學使養某復以國士陳得選為進士初任廣西平樂縣旋署府事惠政春溫德聲洋溢蓋平樂府教授某當時所贊頌者新編

馮荃字汝齋號湘崖子正德癸酉鄉舉任廣東教諭潛心

理學奉臺省檄毀淫祠所在俱盡陞扶溝令有清介聲遠歸家貧篋食僅足而荃所夕吟咏意泊如也著有湘崖文集四卷軼事別見雜記

呂應陽字伯律少聰穎該博多聞正德丙子舉人選浙江青田教諭應江西庚子鄉試衡文聘所收皆知名士羅玉山令樹循窮黎釐剔奸蠹日視百餘牘剖決如流民悚服之臺省有疑獄屬應陽立折無訛罔後以忤時相費宏轉杭州府判告歸子芝字玉璣號曰江承父志精究百家萬慮初恩貢例可得有司以從兄權掌餘引嫌言錄蓬州曠書課寒士鄰邑之士爭往從焉

陳東字南塘性好吟咏博極羣書問字者履滿戶外嘉靖壬午鄉舉授四川井研令改浙江龍泉令所至皆務以德

化民薄於榮利政成告歸以詞賦尙友千古著有南塘類稿

朱縉字雲卿號晴峯嘉靖乙酉舉人初任學官後遷縣令致仕卒同邑蔣懿誌墓有云司學郊廓修清節多著述士夫推重之及令封邱澹泊自守便於民者以躬瘁之觀教餘有錄試政有錄足徵矣銘云生有德以善世死有銘以終譽公也無愧於神明矣整居官清正學道有得不輕許與人其敘縉非苟然者

魯直字正卿宋參政宗道之裔弱冠領嘉靖丙午鄉舉選臨海諭分校江西鄉試陞雄縣令雄密邇畿輔使車絡繹民苦征役直除害興利民氣大蘇以見忤貂璫轉判松江釐革宿奸清積年糧餉餘羨佐邊用陞臨江府同知未幾

卒雄邑士民請祀名宦

雷令字行甫號我洲嘉靖己酉鄉舉任貴池學教諭轉懷甯令已故衝劇民疲徭役令爲調劑之所在蘇息時有勢宦虐民令盡法繩之並著戒惡錄以示懲方告歸而海瑞適至上疏留之有旨仍取赴任堅辭不往母卒慟不欲生越三日竟殞

呂霍字忱卿號曰洲嘉靖乙卯鄉舉壬戌進士授主事歷吏兵工部郎中太常寺少卿陞南京都察院旋擢江西僉都御史霍器字淵深才識敏練柄衡時進退賢不肖人服其公參司禮樂多所訂正總理留都樞務恪勤匪懈簡兵禦寇江海安瀾以忤旨罷歸居鄉以文藝課後進經指授者皆彪煥一時郡城水勢瀚漫霍捐金造迴龍塔於北口

鎮鎮之民田界全州者多豪右侵占奪爲力爭還之其慷慨仗義多類此工詩古文著巢雲閣集

吳曜字少晦家世業儒祖有陰德曜篤志讀書由嘉靖辛酉鄉舉授應天溧陽教諭補贛縣令初至輒辨數疑獄眾以神明類焉未幾卒時論惜之

王國彥字德貞嘉靖甲子鄉舉爲贛縣令與民休息以不諧時未兩載歸

陳諫字守忠治春秋由上舍任都察院經歷風裁凜凜嘉靖間隨征倭寇臨機決策主兵奇其才敘勞將大用會丁艱歸置義田以贍族人之不能葬娶者立宗法作式禮堂訂婚祭土相見禮童子事父母婦事舅姑禮復爲句讀讀書等堂一時士皆趨效之家居八年起兵部職方司事蹟

詳陳東南塘類稿年七十餘卒於京師子太學生所願扶

柩歸葬

李鏜字廷和幼以孝友聞由歲薦授潯州府通判陞上思州知州招撫民獍覈出匿糧額穀數百餘石條革冗費數百餘兩儲用得以不匱一郡德之以父養歸里優游吟咏卒年八十五

陳潤字汝德隆慶丁卯舉人官廣東連州知州俗尙悍鷲潤豈弟慈祥嘉興休息重講鄉約以懲不率未幾窮陬僻壤皆化爲仁里連民至今尸祝之弟澗字汝新號虹洲隆慶丁卯與兄同領鄉舉戊辰成進士授戶部郎中出守衢州府謁趙清獻拈祠與僚屬曰此吾曹嚴師也終此生當無媿其人衢多礦盜夙稱難治澗至人畏而懷之四境帖

然兩淮推良吏第一時方強仕以養母告歸衢僚以贖鍰解進堅不受命藏庫馬厯任凡六轉而囊不贏百金真不愧清獻矣里居著管見一冊以風末俗勵後進

胡應禎字兆行隆慶恩貢任四川縣竹令救荒息盜有廉惠聲丁外艱起服補山東萊蕪令陞德州知州疏漕河懲私鹽實倉庫井井有條起內艱知漢州以督餉功遷慶陽同知駐寧夏鎮時都院黨馨貪虐應禎抗論不合遂拂衣歸萬厯壬寅立東宮詔進階四品

陳舜咨字好問隆慶恩貢任都昌令操行清介舉事持大體以興學愛民爲務有循良風陞惠州府通判修復古城烈建河源學宿弊清釐其政教著於鄱湖南海間以終養乞歸居鄉正直稱盛德焉

袁香字汝馨號蘭石性狷介有古人風萬厯戊子鄉舉署吳縣教諭遷廣西臨桂令以剛正不能媚上改靈川課士興學訟庭如水終以不諧世乞歸行李蕭然桂人思而祀之

周希聖字惟學號元汀父佐母氏劉坐月下見一鶴集於樞生希聖幼秀穎不羣諸生時爲文已稱雅宗萬厯戊子舉於鄉明年成進士合華陽有呂某斃其兒而嫁禍於鄰人獄成數年直指者慮囚邑中希聖疑焉告於神夢得斃兒狀與其凶器巨鞫之立服且出鐵鈕血痕衣證之鄰人得釋去某藩王子出遊豔一婦擁之歸而擊殞其夫希聖請於王曰殺人有常刑且羅敷自有夫也盍歸諸否則某以官殉矣王恐甚出其婦並懲其子焉邑故有官扇之供

歲費不下十餘萬邑以大困希聖出俸佐之猶不支爲之不食而泣曰爲合而使民坐困何以合爲哉秩滿擢山東道御史適有倍取官扇之命某璫促所司甚迫希聖聞之撫膺太息曰蜀困矣今又倍之予合蜀時所不食而泣者今乃默然耶具疏極言以是謫灌陽典史故相陳于陞贈以詩且曰予蜀人也予不言而公言之敢不拜就道赴官未幾告歸家居十八年未嘗竿牘當路會溫陵李相當國諸門人無不以割幣爲地者希聖獨否李愈重之薦起太僕寺丞轉尙寶丞踰年以光祿卿出典陝西試丙辰冊封益藩還爲右通政適主爵以劄報周金壇巡撫之託誤投於希聖封還之主爵感之請以蜀撫酬不可曰朝廷官豈人臣報德地耶晉南光祿卿嘉廟登極改南大理卿明年

爲南刑部侍郎齊庶人後睿鑑與陳其相謀不軌希聖折其謀東南賴以不擾且平反其桎梏其桎梏考滿晉南戶部尙書無何奸璫魏忠賢專政楚人楊忠烈公漣上疏摘奸希聖與楊深交楊得禍而希聖以正色不阿卓立南都一時正人君子倚以爲重璫人伺其過不得矯旨削尙書籍家居閉門不通賓客崇禎元年起用名德舊臣方注名用希聖而希聖堅卧不復出年八十五卒祀鄉賢有四子長自稷以蔭爲順天府通判次自發自太白公俱庠生食餼

厲之乘字德甫號鍾湘萬曆辛卯鄉舉壬辰進士歷官工部員外郎以剛傲忤時放歸初任饒州府推官有客民汪某妻爲里豪計掠之且匿其踪有司前後推按無所得之

乘卒以策捕治之郡中以為神甲午分校四川鄉闈丁酉
江西庚子廣東所得皆名俊成進士者十三人如楊楷邨
士毅傅宗皋胡世賞等皆當代名臣時服其藻鑑焉
鄭惟惠字守心少負才譽性友愛兄子宗周蚤孤慮其廢
學凡出入攜而誨之卒成名析產輒取其瘠者以萬厯丁
酉鄉舉授廣西賀縣令為政清約條陳馬政田糧諸便宜
當路悉採行之賀故有關稅前主者多橫征潤私橐惟惠
至一遵定額商賈便之然竟坐此忤理官意幾為所螫遂
告歸生平多隱德有東安民某女幼為人掠賣凡數轉得
抵永能道其里居惟惠為捐貲贖之跡其父母歸焉後惟
惠晚而得子里中以為義報

章惟一守中萬厯甲午鄉舉授遷江合五載法行惠流
治行第一以不阿上臺意調遠為曲靖府通判至即署府
篆釐奸剔蠹晷月而政行吏憚其威民歌其惠曲靖稱神
君焉

蔣向榮字澹心萬厯壬子舉人己未進士為人孝友篤至
父遇春為汝甯學諭致仕歸囊橐蕭然向榮侍養必具甘
旨衣冠肅立食罷始退自食惟餽粥而已為孝廉時躬為
父濯足父曰吾足非仲子濯不快也選大名令甫莅任吏
有以白鏹進者曰初至時需費請以是供向榮曰吾窮諸
生才一仕何以償此吏曰是無庸償曰若是則國賦也余
自讀書時早以潔己愛民為心豈服官而遂忘之汝將以
此嘗我耶叱去之廉其奸狀卒抵於法一邑肅然有武甲
者讞辟凡二年知其寃為力請得減等居官二年興學校

課農桑捐除煩苛邑以大治調繁南樂是時魏某秉政在告其僕以私負請責於縣向榮曰予爲天子吏理民非爲相臣僕理逋也明日謁魏某白之魏戒僕曰縣君正人君子也慎毋以事擾之民侯華者偶以言逆母母訟之向榮曰汝子幾何曰止此耳躊躇久之曰令教民者也而使階除下有不孝子不德孰甚乃置華於獄且閉閣自劓責欲解印綬去邑人聞之至獄責華華涕泣痛自悔邑人皆代請出諸獄而坐母於庭乃杖華俾拜謝母母子相持大哭觀者咸泣由是華卒爲孝子邑大旱齋戒步禱凡七日而雨降他邑則否大名亦旱復迎向榮禱雨亦如南樂人謂之蔣公雨御史左光斗知向榮薦之疏中有舉止敲金夏玉丰神翦水裁雲釐弊一新歡騰萬口語召爲吏部考功

司主事轉文選司選驗封員外郎陞稽勳司郎中有以恩廕進者謀優擢賄門吏以黃金二百雜蔬菜進向榮不視其刺竟麾之去當魏閣專政吾楚多忠諫者並發其奸故瑤憾楚人尤甚其得禍最烈御史吳裕中廷杖劓甚向榮夜至其寓吳手六百金屬遺其母吳卒向榮攜金付其家且爲經理後事因歎曰邪正不兩立余即捐軀廷爭徒觸瑤怒終無益人國耳屢疏始得告歸迨閣誅朝中推向榮起領選事而向榮已卒矣著有葯房集有四子本隆本昌本大皆饒於庠季子本生癸卯舉人

鄧起鴻字子漸號磐石性穎慧博涉經史萬曆乙卯選貢孝西考銓部第一授瑞州判方入境戒從者勿言及入城而迎候者猶不知也恪慎嚴明有治聲故例凡願息訟者

議緩贖若干起鴻一切除之嘗代理新昌高安二邑有羨餘皆不受而舉以予民民甚德之時臺檄督漕運起鴻以歲暮民力不堪乃釋獄中逋戶而自貸邑巡檢鄭某四百金以償之病卒於官囊橐蕭然人士悼之子孫曾皆有聲庠序

周自修字玉相西隅里人天啟癸亥拔貢通判四川眉州時解京餉道宜昌城宿遇火迫甚乃叩頭呼太祖高皇帝再四忽大風偃火他向至襄城分道舊例皆西行自修以夢警獨東無何流賊自西至得避去蓋相距不五十里也以轉輸功陞行都司經歷權威遠縣時軍需繁多倉廩告匱歲旱而饑流民載道自修禱於天得雨饑不為害民歌頌之權丹稜縣至即條十二款以蘇民困除吏蠹臺省嘉

納之方題授丹稜而部選者已出自修即致仕歸時崇禎十年蓋已知國事之不可為也

陳銓字秉衡號月山少穎悟年十三周覽經史為文矯健歲化七年以禮經魁楚闈又十年成進士授內江令行取拜陝西道御史尋以憂歸起補北畿御史執法整肅典江浙兩省試稱得人出為四川副使致仕歸子襄亦以習禮中選五世孫棟字子隆稱博尤精於禮以明經司訓黃梅陞肅寧令多惠政告歸時人稱為禮經世學云舊志載銓以論

國朝

王盛德字方樹號補村進賢鄉人康熙丙子舉人知廣東河源縣祖復仁父上晉均廩生盛德幼慧十六歲入泮二

十五鄉舉長於詩兼工書法博學多能任河源凡九年修文廟設義學躬親造就人文蔚然邑地勢窳下多水患盛德修渡以濟涉者俗輕生或有圖於人不遂則服毒死於其家因坐累之盛德爲詳臬司刊碑禁其事且申反坐律前習頤華歲早禱城南浸珠塘雨立降民爲建豐樂樓以誌不忘生員劉鈺家妖作祟爲文牒城隍神妖遂息調署長甯邑多菁薄時聚盜民苦其劫掠盛德至卽請兵率以討之盜息而民安及歸送者號泣不絕於道著石園詩稿豐樂樓集簿餘隨筆遊屐紀畧嘗分校廣東鄉試又有粵蘭雜詠等作子藻乾隆癸酉拔貢官保靖學亦以詩文書法著名莪附貢生蔡太學生萊邑庠生

煥少孤母氏蔣旣嬰疾文煥禱於神請減已算以益母壽疾旋瘳讀書日數萬言爲文刻畧立就肄業湖湘書院屢試冠其曹雍正戊申應孝廉端方之舉大挑一等以知縣分發江南實授桃源調嘉定時母年八十一兩弟俱亡遂乞歸養更字萊園取斑衣戲綵之意凡任桃源九年嘉定三年而歸荆置學田爲後人讀書計刊湖湘書院課藝其雙鵲堂賦勸民歌十則俱載桃源縣志方初莅桃源也庚戌六月河水驟漲及城西人民漂溺文煥檄船救之隨請賑明年又加賑且多設糶廠以便窮民全活甚眾嵇文敏曾筠築黃河運河堤文煥往來烈日中躬自程督時有言文煥所修不實者曾筠廉其誣欲罪誣言者文煥曰此我不足見信於人也於彼何尤聞者服其雅量丁巳夏大旱

與主簿孫兆震禱雨至鄉庭兩大沛民飲之酒因額其亭曰醉雨亭癸丑五月蝗捕之不息爲文詞禱之蝗僵死其荆建書院置義塚造舟楫橋梁冬日製棉襖施貧民迄今桃源人尙指數之子曰培宿遷縣巡檢日壇候選縣丞周昌德字紹文號紫谿祖江墟人雍正己酉舉人乾隆丁巳明通進士任益陽安福縣教諭選浙江武義知縣兄弟凡八昌德晚出生時母以家貧艱於養欲溺之嫂匿而撫之生之前夕有綵輿紅傘之兆故嫂護之尤力幼穎悟過人府試拔第一後以五經舉於鄉工詩善書法知武義時乾隆癸酉旱且荒邑城久圯昌德爲請於上城之以工代賑更糶倉廩濟之民多全活告歸居家事嫂如母廉俸所入率均之弟兄晚移居祁陽之浯溪年八十五卒

蔣鳳色字來儀號梧岡雍正乙卯舉人任江南東流知縣祖本姓鄧自祁陽徙零陵出繼蔣遂更姓馬父漣一夜夢老人抱兒於懷曰上帝察汝純孝以此賜汝生穎異工文詞既仕先署池州通判繼授東流後署建德青陽貴池各巨獄平反寃抑嘗云讀書無補於世居官無益於民吾恥之任東流以修庠序端士習爲先務建書院延名師課諸生暇則親爲訓誨文風一變其教民也於每鄉立公所至農隙時親往訓之約以孝弟力田爲務閒遊荒業者爲戒民感其意不輕犯法以贖願同僚受累罷任曰事當萬難處時不妨人我俱困若獨自便人何以堪先是東流巡檢某卒於官貧不能辦喪資助之使北還其篤友誼類如此及歸士民餞送者數百人敏於爲文有竹實齋稿行世子

大鵬乾隆乙酉拔貢大鵬歲貢大鵬大鴻皆讀書有名
周廷高字東郊號畏菴進賢鄉人乾隆辛酉拔貢考取左
翼覺羅教習與修輯經史議敘判直隸開州起父艱補兩
淮鹽運司經歷署西安府鹽捕同知年七十謝病歸卒年
八十一初雍正六年廷高以孝友端方之舉膺六品時母
蚤歿獨迺養其父勤職愛民能推其孝思仕開州有冒至
聖齋孔姓者行跡可疑搜其懷得數訟曰此敝民善刀筆
者也據供移曲阜知其詐重懲之河決陽武口廷高冒雨
行要害報大吏曰水當至某處其捍禦當於某處大吏如
其言堤既成曰日水至皆如所擬明年蝗旋捕旋生廷高
爲文禱劉猛將軍廟翌日蝗盡死復大雨滌其腥穢其官
鹽場也有報早不成災者廷高奉臺檄履勘得其實某官

請代爲曲護如所報高曰如民困何卒以實告民獲賑卹
在西安時嘗以災報而格不得賑卹太息不自勝其署同
知嚴行保甲謹城門倉廩之守而盜侵絕跡武弁嗜酒而
暴者褫之情者懲之於是舊習頓除告歸家居所得廉俸
胥均之弟姪其時已析產久矣當除夕宴會時其弟姪請
獻田爲養老計廷高辭不受色怫然弟姪遂不敢言生平
好學不厭在官課諸生家課子弟工書法人求之多應以
先正格言曰吾服膺久不忘也著有畏菴時藝十卷詩鈔
四十卷雜文二卷子二一郡庠生一邑增生皆能文工詩
善書法

賀義鳳居城西山行伍任嘉禾汛把總性耿直喜爲人平
爭畔知府應先烈建濂溪書院立誠堂義鳳力贊襄之以

此爲士論所重年七十四卒

王金粟字香亭在綬子冷水市人性明通能任事鄉有爭論輒省其曲直立刻析之事以寢息以縣丞分發廣西署六寨時有富民海某與張某訟海有子聘張女以張之貧也構訟欲却其婚金粟廉得其情海託人獻巨金拒之次日庭鞫責以大義海畏服遂爲其子完姻以循績陞知縣歷署陽朔永福靈川等縣甯明州知州授崇善知縣所至有聲如署六寨時年五十餘致仕歸七十九卒

李榮賜號懋臣世居西鄉黃泥橋其父以賈遷甯遠柏家坪榮賜體狀魁梧性警敏嗜學弱冠補弟子員旋食餼慷慨有才畧能任巨艱咸豐二年粵匪竄道州榮賜挈家返零知府黃文琛一見器之屬辦團防九年知府楊翰令辦軍需遇事不尚操切而事無不治人樂從令論功保知縣加同知銜蒞以知縣試用廣西代理梧州府岑溪縣事岑溪地分七鄉時賊已據其五方代理檄下同僚皆危之蓋岑溪不治已七年矣榮賜毅然赴任恩威並用久之強者服弱者懷而岑溪遂大治後以保格引見調補泗城府凌雲縣其得士民心亦如在岑溪時同治九年卒於任

--	--	--	--	--	--	--	--	--	--	--	--	--	--	--	--	--	--	--	--	--

流寓

漢
胡騰桂陽人少以學行稱慷慨激烈有古俠士風大將軍
竇武舊門下士也及武以謀誅中常侍曹節等不克死親
族悉被夷門生故吏不敢過問騰獨爲之殯殮發喪成服
人皆危之騰不顧復乘間與令史張敞匿武孫輔於他所
攜之遠竄逃於零陵僦屋以居詐云已死以爲己子而聘
娶焉輔後舉桂陽孝廉竇氏之祀得延騰之力也

唐

柳宗元字子厚其先河東人少精敏絕倫爲文章卓偉精
緻一時輩行仰推第進士博學宏詞科授校書郎調藍田
尉貞元十九年爲監察御史襄行王叔文章執誼皆奇其

才及得政引與計事擢禮部員外郎欲大進用俄而叔文
 改貶邵州刺史半道貶永州司馬宗元既竄斥地又荒瘠
 因自放山澤間其湮厄感鬱一寓諸文又做離騷數十篇
 讀者咸悲惻雅善蕭俛又善京兆尹許孟容貽書自明初
 志冀立仁義裨教化而所與難強為善遂致獲罪不能自
 明望放還田廬埽瑩域然眾畏其才高懲刈復進故無用
 力者宗元常病漢宋符命之辭多失正吳武陵趣著書一
 篇號貞符以明唐德訖不見召悔念往咎作賦自懲曰懲
 咎永州江岸有螭患為文愬之患遂絕郡多火災復為文
 除火鳥人以比韓氏之驅鱷焉品題山水成八記遂以勝
 蹟名天下元和十年徙柳州刺史時劉禹錫得播州宗元
 以禹錫親在堂不忍其母子永訣即具奏欲以柳州授禹

錫而自往播禹錫以是得改連州柳俗以男女質錢過期
 不償沒為奴婢宗元設方計悉贖之南方為進士者其文
 章皆以宗元為師宗元少時謂功業可就坐廢不振竟以
 謫終然治邊徼捍災患廉潔誠和沒有遺愛迄今愚溪祠
 羅池廟民猶祀之如方社云

案子厚為永州司馬非零陵所得專舊志入諸石宦殊失
 限斷然其遺蹟實在零陵而邑人畧識字者文未嘗不
 稱頌其姓名置而不錄誠為遺憾今改歸流寓似兩得
 之

吳武陵信州人元和初擢進士坐事流永州先是吳少陽
 聞其才遣審鄭平邀之將待以賓友武陵不答俄而陽子
 元濟叛武陵遺以書元濟不悟朝廷用師討蔡州武陵自
 硤石望東南氣如旗鼓矛楯顛倒橫斜少選黃氣起西北
 蟠蛇相交武陵告韓愈曰今西北王師所在氣黃白喜象

也敗氣為賊曰值木舉其盈數不過六十日賊必亡矣的
 克元濟卒如所言武陵居永時柳宗元賢其人謫居無慘
 日以吟咏相贈答後北還大為裴度器遇時宗元曰量移
 柳州每言宗元無子柳瀕西原蠻多寇患宜代以武人又
 言之於孟簡曰子厚之斥十二年矣雷砮電射天怒也然
 不終朝豈有聖明在上而畢世怒人臣邪武陵後歷官至
 刺史亦以貶終柳子厚有秋初夜坐贈吳武陵詩見本集
 李深源字幼清或云幼清其名元和二年移置永州與柳宗元友
 善柳州有同吳武陵贈李睦州詩序見本集
 元克已侍御史謫永州與柳宗元友善
 李潤官職未詳曾謫永州後柳宗元移柳州潤赴京師作
 序送之

上太宗元從弟也其行次曰十曰第八元生有志
 精舍有題名時宗元族人又有柳諶柳澥柳宗元同高
 州有名焉舉至御史免歸江陵遇永州為宗元留信次宗
 元視其貌益偉問其業益習叩其志益堅柳澥宗元族子
 嘗南省宗元宗元稱其質厚敦樸其文甚富比歸為文送
 之

盧遵涿人柳宗元內弟性謹慎學問不厭尋微忠信拳拳
 焉由其中出自宗元之斥道從而家焉居五年未見有言
 行之過違其死不去其後嘗稱之時宗元諫故又有段宏
 古黃國南元集盧遵策楊誨之辭巽社周士及趙生謝山

人楊呂師鄭等師諸人段宏古澧州安鄉人讀縱橫書剛
峭少合與人交華義輒去爲呂溫客溫卒南見柳宗元言
於永州崔能知其賢徵之至與宗元會北堂宴南軒交甚
篤尋南訪竇羣死於桂崔能致其喪來永州厚賻而歸葬
之婁圖南師德曾孫有詩名通羣書寓居永州開元寺好
談元理嘗與柳宗元讌飲歌咏呼之曰二十四秀才後少
淮南入道元集虛河南人嘗爲協律郎人以十八山人呼
之閩曠實直其學恢博通老氏至永州與宗元遊留月餘
去南歷營道觀九疑崔策字子符行九博陵人柳宗元姊
婿崔永州簡之弟也爲文本孝弟於理道簡流羅州策爲
訟寬簡死厝永州策還顧其幼孤在復寓里宗元嘗與之
登西山焉楊誨之懣之子也懣少爲博學尉誨之往省過永

州宗元以其人過臨作論直篇贈之特異朗州判官自遠
赴任過永州柳宗元爲序送之又永州司功參軍譚元宗
元亦稱其謹愿好德云杜周士桂嘗觀察使留後好百家
言過永州柳宗元與武陵皆送以詩趙生伏名柳集作天
水人文翰端麗宗元徵永三四年或見之謝山人楊呂師
鄭等與宗元遊郭死葬永州北岡

魏州頓邱人父某事張巡爲將死節睢陽贈開
元儀同三司揚州大都督兼開七廬即授婺州別駕歷刺
州一州永貞元年開元長安爲敵以乏軍儲謫居永
州量移澧州長史開元州量

齊不知何許人父某道嘗爲永州刺史齊後遊零陵於
見父題壁感而感詩云

永貞元年

事感遺恩回頭泣向兒童道重見甘棠舊子孫

宋

范純仁字堯夫仕至尚書右僕射哲宗既召章惇爲相純仁堅請去遂以觀文殿大學士加右正議大夫知穎昌府又徙陳州初哲宗嘗言貶謫之人殆似永廢純仁前賀曰陛下念及此堯舜用心也既而呂大防等竄嶺表會明堂肆赦章惇先期言此數十人當終身勿徙純仁聞而憂憤欲齋戒上疏申理之所親勸以勿爲觸怒萬一遠斥事高年所宜純仁曰事至於此無一人敢言若上心遂回所繫大矣不然死亦何憾乃疏曰大防等年老疾病不習水土炎荒非久處之境又憂虞不測何以自存臣曾與大防等共事多被排斥陛下之所親見臣之激切止是仰報聖德

向來章惇呂惠卿雖貶謫不出里居臣向曾有言深蒙陛下開納陛下以一蔡確之故嘗軫聖念今趙彥若已死貶所將不止一蔡確矣願陛下斷自淵衷將大防等引赦原放疏奏忤惇意詆爲同罪落職知隨州明年又貶武安軍節度副使永州安醫時疾失調聞命怡然就道或謂近名純仁曰七十之年兩目俱喪萬里之行豈其欲哉但區區之愛君有懷不盡若避好名之嫌則無爲善之路矣每戒子弟毋得小有不平聞諸子想章惇純仁必怒止之江行起貶所舟覆扶純仁出衣盡濕顧諸子曰此豈章惇爲之哉既至永韓維責均州其子訴維執政日與司馬光不合得免行純仁之子欲以純仁與光議役法不同爲請純仁曰吾用君實爲以至宰相昔同朝論事不合則可汝輩以

為今日之言則不可也有愧心而生者不若無愧心而死
其子乃止居三年徽宗即位即日授純仁光祿卿分司南
京又遣中使至永賜茶藥諭曰皇帝在藩邸太皇太后在
宮中知公先朝言事忠直今虛相位以待不知目疾何如
用何人醫之純仁頓首謝因乞歸許養疾尋卒諡忠宣

附張拭遊東山記 歲戊寅夏四月巳亥弋陽方疇廣
漢張拭酌餞東山平劉芮於永之東山久雨新霽天朗氣
清步上絕頂山色如洗相與置酒於僧寺之西軒俯仰
庭戶喟然而嘆曰噫嘻此相與置酒於僧寺之西軒俯仰
坐皆悚然起而問之零陵張公餞曰公忠宣之故居也容
十三四某之先人辱為公客故某亦得侍公時已苦
目疾手執寸許玉用以為摩按某未之識也則亟視之齊
有於不欺孺子則公氣象可想矣坐客皆咨嗟公語又
曰公居此西偏為屋僅三十楹蓋與寺僧鄰也諸孫皆
尚幼它日與寺僧戲僧愚無知至相詬罵直行過公前
謝亦卒無一言待之如初永之士間有得進見公者循
循親加訓誘一日坐定有率爾而問者曰范某於相公

為何親蓋斤文正公之名時二子正平正思侍旁悚
恐懼公憂頓久而曰先公也言者大慙曰天而復以溫
慰其心後亦與相見不絕公之度量雖曰天與其亦學
以成人之與又與相見不絕公之度量雖曰天與其亦學
某於此學之要也始登科願求從便安邪凡公言簡而
深足以垂世立教大率類此自奉極儉約士從諸子遊
者論不復更益菜年幼所記公如不掩盤後有客至即
分相與言曰江所記公如不掩盤後有客至即
容者尚及見公所記公如不掩盤後有客至即
兵火燬燼之餘屹然若存公如不掩盤後有客至即
又豈偶然而世為天信下世為天信下世為天信下
下法言而於公其信下世為天信下世為天信下
竟薄夫敦於公其信下世為天信下世為天信下
僧有法賢者年八信下世為天信下世為天信下
沙彌每見公過則呼為公其信下世為天信下世為天信下
人子則再拜公過則呼為公其信下世為天信下世為天信下
堂之上則憂其公之信下世為天信下世為天信下
憂其君文正公之信下世為天信下世為天信下

司馬林李文正公之孫也少育於外祖范純仁
紹聖中事起於上公避居南岳純仁謫永州疾失明客

至必令朴導以見時方七歲進揖應對如成人客皆驚歎以純仁遺恩得官父喪徒跣扶柩還欽宗時至兵部侍郎隨二帝北狩徽宗之喪持服朝夕哭金人憐其忠不問授之官不受卒訃聞臨安贈尚書諡忠潔

沈遼字睿達錢塘人熙甯中以太常寺奉禮郎監杭州軍資庫忤部使者以夙恨文致其罪下獄奪官流永州黃庭堅字魯直洪州分甯人治平中兩首鄉薦登進士第元祐元年除修神宗實錄院檢討官紹聖初議者言神宗實錄多誣失實召至陳留問狀三問皆以實對責授涪州別駕黔州安置徽宗卽位召爲吏部員外郎辭疾不拜上章乞郡得知太平州到官九日而罷寓居江夏初自涪歸道出江陵作承天院塔塔記其畧云儒者嘗論一佛寺之費

蓋中民萬家之產實生民穀帛之蠶雖余亦謂之然然自省事以來觀天下財力屈竭之端國家無大軍旅勤民丁賦之政則蝗旱水溢或疾疫連數十州此蓋生人之共業盈虛有數非人力所能勝者文成府帥馬城飯諸部使者於塔下環觀先生書碑尾但書作記者黃某立石者馬某而已時聞人陳舉自臺出漕先生未嘗與交也舉與李植林虞相顧前請曰某等願託名不爲先生不答舉繇此憾之知先生與趙挺之有怨挺之或以墨本上之誣以幸災譖國遂除名羈管宜州後以漕賂治於零陵獨赴貶所越三年徙永州未聞命卒年六十一紹興初諡文節鄒浩字志完常州晉陵人第進士教授穎昌范純仁屬譏樂語浩不可上疏請澄清人始得元年除右正言二年

立劉氏爲皇后上疏力諫乞斬章惇忤上旨奸媿中傷遂除名勒停監管新州徽宗卽位復除右正言左司諫遷兵吏二部侍郎以實文閣待制知江甯府徙杭越初浩還朝帝首及諫立后事獎歎再三詢諫草安在對曰焚之矣退告陳瓘瓘曰禍其在此乎異時奸人妄出一緘則不可辯矣蔡京用事素忌浩乃使其黨爲僞疏言劉氏殺卓氏而奪其子遂再責衡州別駕流轉永道間明年除名勒停昭州居住崇甯五年復承奉郎歸常州大觀四年復直龍圖閣瘴疾作遂卒高宗立贈實文閣直學士諡曰忠范祖禹字淳甫華陽人舉進士從司馬光編輯資治通鑑居洛十五年光薦爲秘書省又遷翰林學士爲諫官極言廷諍紹述覺作章惇將入相祖禹極言其不可出知陝州

言者希情意論其實錄詆誣安置永州又徙廣西而卒子冲字元長侍父至永諸巖皆有題記高宗時命重修神哲兩朝實錄一正京卞之誣以龍圖閣直學士奉祠卒

章惇蒲城人棗之第六子簽判蘇州蔡京復相力傾章氏誣棗諸子私鑄錢窟續永州

陳與義字去非號簡齋靖康時監稅陳畱避亂流轉湖湖南踰嶺嶠嘗過永多留題咏後仕至學士

汪藻字彥章饒州德興人崇甯二年進士初王黼與藻在太學同舍不協終黼之世不得用欽宗時官起居舍人高宗立召試中書累遷翰林學士一時詔講多出其手士大夫傳語以比陸宣公權臣樹黨除不附已反論以于黼客奪職居永州十二年作玩鷗亭記以見志更四赦不得還

永人爲立祠祀之秦檜死復官徽宗實錄成追贈端明殿學士著浮溪集傳於世同時貶永者有李德升席大光皆與浮溪唱和未幾召還

張浚字德遠綿竹人紹興七年丁巳爲秦檜所憾罷都督以秘書少監安置永州十五年乙丑浚因星變欲力論時事以其母許氏年高言之必被禍恐不能堪許氏見其形瘠問之浚具言所以許氏誦其父咸紹聖初制策曰臣甯言而死於斧鉞不忍不言而負陛下浚意遂決卽上疏極言當今事勢如養大疽於頭目心腹之間不決不止時秦檜謂已太平諱言兵事見之大怒令中丞何若榘劾之遂貶連州二十年庚午復起永州檜必欲殺浚以其死黨張柄知潭州與郡丞汪召錫共伺察之二十五年乙亥檜死

召復其官時浚有母喪將歸葬會星變詔求直言浚念天下事爲和議所移邊備蕩弛自以大臣義同休戚不敢以君喪爲嫌乃上言金人數年間勢必南侵而吾方溺於宴安莫爲之備沈該万俟卨居相位尤不厭天下望万俟卨獨思謂大恐復安置永州三十一年辛巳陳俊卿上疏極言浚忠盡帝悟乃復召判建康浚起廢復用風采隱然軍兵皆倚以爲重浚三請於永前後十載與學者講誠一之學一時翕然向風在永有書數笈或誣爲謗書詔錄上皆愛君憂國之語孝宗隆興二年又罷都督府判福州浚行次餘干得疾手書付二子緘杓曰吾嘗相國不能恢復中原雪祖宗之恥卽死不當葬我先人墓左葬我衡山足矣數日卒贈太師追封魏公

張栻字敬夫浚之子也少師事胡宏一見即以孔門論仁親切之旨告之退而有得宏稱之曰聖門有人矣栻益自奮以聖賢自期作希顏錄以蔭補官辟宣撫司書佐除直祕閣初孝宣卽位浚起謫籍開府治戎參佐皆極一時之選栻時以少年內贊密謀外參庶務間以軍事入奏請充振作之心無使少息孝宗異其言魏公薨後屢上書大醫以圖恢復必先感格天人先後數千言病將死猶手疏勸上親君子遠小人信任防一己之偏好惡公天下之理天下傳誦之卒年四十八附葬於衡山學者稱南軒先生追封華陽伯謚曰宣從祀孔庭嘗侍父至永州與永之士大夫講學多聞其教而成德者

胡銓字邦衡廬陵人建炎二年獻策得上第除辟多不赴

呂祉以賢良薦除樞密院編修紹興八年秦檜主和銓抗

疏請斬檜絕金正氣振天下金人尚傳誦其文檜初意欲

殺之以時望除名編管昭州改號書威武軍判官羅汝楫

張逮希檜旨痛許歷謫新州吉陽檜死始量移自便案府舊志

於移衡州之前載其徙永州而宋史不載然劉芾爲方曉作困齋銘謂齋名乃銓所題華嚴殿又刻有銓所作亦樂堂詩記計在量移之後當由粵赴衡取道零陵與張方諸正人照晤徙雖誤紀述實經遊不可以暫而不傳也

方曉字耕道上饒人建炎初與胡銓同榜進士以忤檜去

國十四年通判武岡平溪蠻紹興二十四年以通銓書謗

時政被論謫居永州名其所居之堂曰亦樂識者賢之

滕康人建炎間從衛皇后太后以金兵逼奉太后越

虔州朝議以涉險論之責授分司南京永州居住

王襄初名甯更名宓鄧州南陽人擢進士第以言事忤王

黼高宗即位命知河南府以入援迂緩降甯遠軍節度使
永州安置卒

董居誼字仁甫臨川人甯宗嘉定九年制置四川唐進以
兵十萬來歸拒卻之官至侍郎以張福之亂責居永州有
羣玉山記

元

方志道浙江人遊零陵高溪時方修高風亭志道作詩紀
之

明

王守德鳳陽人洪武十七年舉人材為衡州通判任六年
遷廣西慶遠知府皆有循譽及引退歸橐蕭然舟過永州
愛其山水因僑寓郡北郊釣遊於司馬塘石角山之間樂

而忘歸因遣長子有昌遷故里守邱墓而已與次子曰昌

卜居焉

宗續辰府志云王氏譜自昌生二子長曰文由選
貢任夷陵州學正遂居夷陵次日武由郡城遷於
冷水市武之子三日通進達通進之
裔極蕃衍為衣冠族達房他徙失攷

楊廉字方震豐城人早以文行稱成化中父崇守永州廉
隨侍浯溪有題刻後為給事中多所糾劾嘉靖初遷尚書
以議大禮乞休廉與羅整庵為居敬窮理之學其文皆根
六經卒謚文恪

高瑤字庭堅閩縣人由鄉舉司訓荆門成化初抗疏陳十
事其一言正統己巳之變宗社濱危使非邨王繼統則禍
亂何由平先帝何由返六七年海宇安謐厥功不細乞追
加廟號盡親親之恩章下廷議不決黎濬尤持之且謂非
瑤所當言帝薄濬之誚感瑤之忠久之竟復景泰帝號後

知番禺有異政發中官章眷通番事沒其貲為所中被逮
士民泣送塞途謫戍永州釋還卒

顧璘字華玉號東橋上元人宏治進士正德初守關封忤
璘謫全州後又巡撫湖廣性愛山水往來永州輒留題巖
谷高情逸致脫畧軒冕流風可想也永郡學地址相傳為
璘按部時所定云

唐順之字應德武進人永州守璠之子也生有異資洽貫
經籍嘉靖八年會試第一授庶吉士改部郎轉宮僚免歸
讀書陽羨山中十餘年後寇正熾毅然任其事視師江浙
巡撫南畿卒於軍順之志節學行俱卓犖尤服膺陽明王
氏心師而力追之少時嘗從父來永州碑記之文多所譏
作至今人珍護焉

章曠字子野華亭人崇禎十年進士初知河陽州居湖湘
十數年後歷湖北巡撫以督粵餉寓永州半載為人慷慨
有志器與士卒同甘苦部下軍將樂為之用以降將烏合
多桀驁難用國事無可為憤鬱成疾丁亥八月卒於永州
至光緒福甯人自號漫士官吏部稽勲主事後轉郎中兼
御史太僕少卿奉使往蜀順治四年夏道經零陵 大兵
入城遷於黃溪之明月庵自以八世受國恩義當死作絕
命詞數首是年八月二十三日絕食踰月遂卒命從者以
哀經殮瀕死自題云不辱國不辱身不辱祖父吾知免夫
何媿心何媿理何媿中邦夕死可矣事紀庵碑乾隆間邑
士雷輝鄂請立祠不果行附邑人艾承恩弔王太僕詩

顧身聞道青天滙使節楚山明月泣孤臣黃溪舊髮空
華表碧雪貞詞染翠琅玕傲日自期甘絕粒芳聲何媿音

遺民

錢邦芑字開少丹徒人少爲諸生詩文與艾南英張溥徐孚遠陳子龍齊名由翰林歷官御史時楚宗人朱容藩僞稱監國天下兵馬副元帥擅居夔州邦芑傳檄討之遠邇響應卒就夷滅孫可望據黔欲官之不從乃髡髮爲僧號大錯未幾復還其姓氏寄跡湘中最久康熙八年冬邦芑偕永州貳守劉作霖游九疑居零月餘次年永州太守劉道著以書幣至衡聘修郡志復介其友人施子緩宜自挈舟迎之邦芑乃至志成邦芑序之曰芑幸廁諸君子後樂觀其成復何能贊一詞然至於筆削黜陟不敢阿諛徇俗苟且塞責以是報知己庶幾可矣亦可見其用力之勤焉邦芑賦性嚴正與人處無失言失色學問淵博尤長於易

所著書凡二十餘種梓行於世卒於寶慶其友王天谷葬之衡山集賢峯下

國朝

李日升號巽庵福建安溪貢生積學修行著有讀老牖窺率慈儉讓三寶以教子孫化鄉俗弟曰煜康熙初任永州鎮日升訪弟至零每與人講道論學莫不愛敬後曾孫清英嘉慶初宰零邑有循聲

袁枚字子才錢唐人由翰林改官江南歷知沐陽江甯諸縣有惠政年三十三卽引退所著書甚多以文名照耀天下國家中葉以前言詩者羣奉新城爲大宗自隨園集出能繼其響枚善言情老嫗能解海內靡然從之至於家有其書詩名之盛一時無與埒者乾隆初枚就金中丞鉉

於廣西過永留題時年未冠也後五十年復爲粵遊歸途
道出零陵值婁東王宸爲郡守宸風雅好客工畫山水名
與四王相抗枚喜爲留經月導遊諸名勝殆遍白髮朱履
見者曰爲神仙每游歸坐修廊垂畫簾几案排列燒雙樺
燭一作畫一題詩溪山賓主兩相遇合極一時文醮之盛
至今零人猶稱述之附過永州題王蓬心太守小像詩
蓬心先生舊相識同看榮花蔣樹宅
分手於今十八年一朝相見心茫然出圖命我題其像
我覺精神比前旺美君還是看花容愧我空留種菜狀
我從桂林來逢山脚必到知君領永州昏黑還停棹山
爲太守召游人君爲羣峯作引導名士一時兼心
得所好口欲笑鉅罽潭綠天庵公子陪儂次第探君贈
畫我題詩彼此居奇交易之吁嗟乎我與先生雙白頭
此詩此畫
俱千秋

蔡文山人不知何許人以嘉慶初來零陵狀貌魁奇衣冠甚
偉入城曰暮僕竊其行李去獨坐鐘樓下惡少利其多挾

導至某姓者止宿故倡家也夜分掩執之聞於官庭鞫不
肯跪官無如何下之獄有駢體供狀一篇工麗絕倫人爭
傳誦姓氏日易無定名曾作吾十有五全章題制義自署
曰蔡文山人遂呼爲蔡文山云其人高才博學讀書一過
日終身不忘詩古文詞兼臻其妙邑人葉向時劉方璿程
建蔣信等皆一時名士同攜酒餽執所業訪之獄中帙堆
案上高尺許文山畧一繙閱卽置之眾疑其未盡視文山
乃背誦諸作琅琅無一字遺評隲曲當閭塗改一二皆出
人意表羣驚爲天才在獄半年文士爭相就正文山決將
來某登科某僅終諸生後無一人爽者次年正月祁陽令
至郡聞其名請出之獄將延於署爲其子師半道遂逸去
後不復見相傳文山方赴祁出城北門見有數十廢疾丐

者呼於涂卽於輿中手擲一綯出白金大小百餘艘艘滿地眾丐爭拾之然莫識金所自來蓋隱曼而有幻術者與羅杰字柳村耒陽人鄉舉第一以古文明於時領解三藝嶽寄蒼莽洗盡八股恆蹊考官以韓歐復生許之榜發士論翕然推爲名元嘉慶七年爲羣玉書院山長履道甚嚴言笑不苟其教士之法惟以經史古文爲主謂從此精進上者可追踵韓歐以文傳世次亦不失時文正軌若徒揣摩風尚擷拾華藻或一發不得厥後遂無可繼學者初皆病其迂緩迄久乃知其言之不易主講四年造就甚眾至今講師法者皆推之

楊大章字伯含武陵舉人生負異才居山中縱讀經史於星厯皆無師傅而得之心悟尤精易理一以孔子之言說易爲文章浩瀚無際下筆數千言詩歌好爲奇語似韓退之李賀嘉慶癸酉湯學使金釗錄入選貢又六年舉於鄉自丙子至戊寅主講零陵羣玉書院集同志訂香茗社討論先儒無虛日作學說示弟子其畧推本龍山劉氏證入之意謂學者學爲人而已欲希賢人以進希聖人當自希人始求副人之名必無媿人之實立論甚正篤信朱子見宗績辰稱象山陽明必力闢其非不爲苟同後主甯遠萬楓社設大幄坐生徒會講嘗爲山人服抱琴弄笛嘯歌巖谷間市人駭笑弗顧也道光二年客滇南陳學使鴻幕病而歸未幾卒於家年僅三十有九病革猶作三才一貫圖有志於道而所成止此朋輩咸痛惜之楓社學者爲設栗主祀稱曰海樵先生咸豐中湘鄉曾文正國藩崇主心

性之學於遺宿多所表彰曾推重大章以其子孫貧甚時
賙卹之武陵楊彝珍大章兄弟行也嘗贈詩國藩稱其事
宗績辰字攻恥會稽舉人前零陵令需子也生抱異稟有
志著述童時隨侍至楚擷蘭芷之華與湘中賢士大夫游
所學大進需廉吏歿後負債纍纍績辰貧不能歸賃居零
陵以追繳其父虧空繫獄同官憐之疏募代償越七日乃
得出已扶柩還葬而留家屬於零服闋舉鄉試未幾復返
零疊主羣玉濂溪講席績辰所作詩古文詞甚富長於攷
據兼工篆隸性好講學專主陽明之說時修永州府志績
辰主其事殫六年之力諮訪見聞撫拾荒墜哀然巨觀而
於金石藝文兩門尤備具無遺當時謂湖南各府縣志當
以永州寶慶爲最永州志卽績辰所著而寶慶志則邵陽

鄧學博顯鶴所著也後應禮部試入都適病不返歷官至
山東運河道績辰以寓零最久每與人書必自署曰十三
年瀟上寓客云

楊季鸞字紫卿甯遠人生有雋才學閎濔洽尤長於詩詞
少厭棄制舉業以古作者自命年未三十卽擅盛名湘中
詞人未能或先也游京師執所業謁江西吳舍人嵩梁一
見激賞之謂當以詩文代興由是名愈起時如程祭酒恩
澤李侍郎宗瀚裕制軍秦皆以禮羅致之會故鄉諸老願
尚存如安化陶澍長沙賀長齡善化李星沅相繼開府名
區宏獎風流稱一代龍門折節與之交尊爲上客季鸞詩
落筆清雄氣蒼骨重而旨意淵微是時湘中壇坫最盛黃
孝廉本驥蔡孝廉以儒湯農部鵬何太史紹基諸人相與

掉鞅馳逐極文酒賓朋之盛然各自謂弗如推季鸞執牛耳焉季鸞嘗四至京師東游吳越南踰潯柳足跡半天下歸主濂溪講席十餘年憫河東集無善本收亡糾誤爲重刊之板今藏柳祠中以書院頽敝言於當道改修規制闕厰拓舊址十之七咸豐改元 詔求遺逸大吏以季鸞應久之授翰林院待詔六年卒於零陵

隱逸

晉

鄧璨少高潔與劉麟之尚公友善不應州郡辟會荊州刺史桓冲禮爲別駕璨乃應召麟之謂璨曰卿忽改節吾失所望矣璨笑曰足下可謂有志於隱而未知隱之道夫隱在我而不在物是以朝市亦可隱麟之無以難之

唐

唐節性高潔爲瀧水令去官家於瀧下自號丹崖翁元次山贈以詩嘗曰丹崖湘中水石之異者翁湘中得道之逸者詳見山水志

宋

唐如晦字幼光博通羣籍隱於鄉屢辟弗就易公被爲題

其書堂曰善齋

王繪鄧章俱有才名胡安國提舉湖南學事有詔舉遺逸安國以繪與章應詔二人老不行安國請命之官以勸爲學者零陵簿稱二人乃范純仁客而流人鄒浩所請託也蔡京素惡安國與已異得簿言大喜命湖南提刑置獄推治又移湖北再鞠卒無驗而安國竟除名

明陳鞠號禮軒性慈善多隱德見饑寒者衣食之不問其姓名工詞賦不求仕以高尚終身縣令傅應禎慕其清節請授以冠帶力辭之乃遺以金帛題其門曰瀟湘逸翁一日聚家人於庭書聯語示之曰恪守良規遵祖考要留好樣與兒孫書畢端坐而逝

康保民字牧伯號暨公庠生風裁嚴正與人交不二善舉子業教授後學孜孜不倦世亂隱林澤間游陟南嶽及粵西諸山歸則構一茆閣日課僮種名花蒔嘉茗山蔬時果客至卽款留貌清癯若僧而足跡不入城市惟故人家則留數日不厭有古隱君子風焉

楊四箴字克之蔣中陽子也幼穎悟舅氏楊某愛之撫爲子遂冒其姓箴負大志善舉子業世亂棄諸生避跡簡出與陳三績相友寄意詩酒以抒坦懷及陳歿而四箴獨雅望巋然見後進穎異者與爲忘年交其天性和粹如此年六十九卒

胡文降有隱德淹貫經史才華爲士林所推屢辟不就隱居湘濱日訓諸子不問生業世味泊如而樂善好施有古

人風

國朝

李長芬字元夫庠生事繼母涂氏有孝行性沈靜與人交坦然無城府遇佳山水流連忘返隱居澹巖室如懸磬而誦吟之聲固琅然出戶外也著澹山集藏於家

睦燭曉字既白庠生警敏善屬文年十六補弟子員博涉羣書負大志屢秋闈不中乃退居山莊朝夕課子四十年跡不履公庭鄉里重其品行

蔣見龍字在田監生嗜書遇古今名筆必購藏之費巨貲不悞家以此日貧晚年令諸子孫別處僅留一人供指使居常圖續四壁相對怡然雖窮匱不介意也一日忽取鞠數種時庭前榜曰鞠園識者曰公其休矣鞠者窮也花事

之窮而終也公其以十月逝乎是歲果歿壽七十六

王國舉邑城人由拔貢司學瀏陽以憂歸遂不復出有二弟林泉清遠白首相偕見者欣羨之性矜重恥干謁徐嘉瑞者於國舉爲選貢同年官知府來永過謁之國舉僅一報禮欲再見卽不獲也其高致可想見

方伎

國朝

陳賢安蘇蘭人精於醫每日鷄鳴延者闐戶賢安卽按路
 遠近以次往治之既周而返貧乏者並予以藥不取錢尤
 精診小兒因其生而以父事之者凡數十輩子宏賓克承
 其業

仙釋

秦

周正實始皇時人遯居澹山巖凡一切成敗未來之數皆能先知之始皇三召不起後尸解

唐

僧懷素字藏真零陵錢氏子嘗睹二王真蹟及二張草書學之性疏放不拘每飲酒以養性草書以暢志酒酣興發遇寺壁里牆衣帶器皿靡不書之負無紙嘗於故里種芭蕉萬餘株以供揮灑名其庵曰綠天如是者數十年退筆無算乃瘞之鎮以塔爲筆架傍有小石池洗研水常黑爲墨池又漆一盤一板久之盤板皆穿懷素伯祖惠融禪師亦學歐陽詢書故鄉中呼爲大錢師小錢師焉後遊中州

遇顏尚書真卿名遂震京師懷素嘗曰學無師授如不由
戶而出乃師金吾兵曹錢塘鄔彤授其筆法至中夕彤謂
懷素曰草書古勢多矣惟太宗以獻之如凌冬枯樹寒寂
勁硬不置枝葉張長史亦謂彤曰孤蓬自振驚沙坐飛余
師所為故得奇怪凡草聖盡於此懷素不復應對但連呼
數十聲曰得之矣經歲餘辭去彤曰萬里之別無以為贈
吾有一寶割而相與先時人傳彤有右軍惡溪小王騷勞
三帖懷素疑以此見與及臨路彤乃曰草書豎牽似古釵
腳勉旃至晚歲顏太師以懷素為同學鄔兵曹弟子問曰
夫草書於師授之外須自得之張長史覩孤蓬驚沙之外
見公孫大娘舞劍器始得低昂迴翔之狀未知鄔兵曹有
之乎懷素對曰似古釵腳為草書豎牽之極真卿微笑經

歲月不言懷素又辭去真卿曰師豈牽學古釵腳何如屋
痕懷素抱顏公足唱賊賊久之真卿徐問曰師亦有白
得乎對曰夏雲多奇峯夏雲因風變化初無常勢又遷壁
折之路一一自然顏公曰噫草聖之淵妙代不絕人可謂

聞所未聞矣有自序藏真律公于文諸帖傳世藏真帖
真生於零陵晚游中州所恨不與張顛長史相識近於
洛下偶逢顏尚書真卿自云傳長史筆法聞斯語若有
所得也律公帖貧道頗患脚氣異常憂悶也常服
三黃湯諸風疾兼心中常如刀刺乃可方數服之乃
然客舍非常之憂耳律公能相步求貧道顛草斯乃好
事也率復不盡垂愛沙門懷素小興也司深藏之篋筒也
後數度遂口口懷素小興也司深藏之篋筒也宋牧
仲懷素小草于文跋云永州龍興寺乃吳軍司馬蒙之
故宅素師讀并得軍司
馬印每作書用以為誌

日晤邑蔣氏子究觀祕義修明娶與初居邑龍興寺肅宗
制天下名山置大德七人南嶽尤重日晤推擇居首即般

舟和尚也柳宗元讓般舟和尚第二碑

重巽龍興寺僧其人能清修淨持柳宗元讓送上人赴中丞叔父召序

乾康唐末時僧以詩爲齊已所稱至乾德中猶存王仲知永州康奉詩見仲觀其老醜曰豈有狀貌如此能爲詩乎時積雪方消命康咏之康賦云六出奇花已住開郡城相次見樓臺時人莫把和泥看一片飛從天上來仲驚異待以殊禮詩話總龜

何仙姑零陵人也住紅玉洞雲母溪年十四五夢神人教食雲母粉可得輕身不死又遇異人與桃食之誓不嫁常往來山頂其行如飛每朝去暮則持山果歸遺其母後遂辭家學道言與常武后遣使召赴中途失之後隱於永州潭

州士人夏鈞罷官過永寧謁仙姑問曰世人多言曰先生今安在姑笑曰今日在潭州雙化寺設齋後釣到潭州取與化寺齋願祝之其曰果有華州回雲母供長龍中白曰昇仙天寶九年都虛觀會鄉人齋有五色雲起於麻姑仙壇眾皆見之有仙子縹渺而出道士蔡天一識其爲何仙姑大曆中文珣身於小石橋擊刺史上其事於朝別作署何仲涓永州人嘗游廬山得辟穀之術歸隱九疑何侯仙室者而顏壯齒堅常如三四十許人

安禪師太平寺僧也上堂云有利無利莫離行市鎮州羅襪鞋賤廬陵米價甚貴爭似太平這裏時豈道黍商賈斷關白米四文一升羅蔔一文一束菜蔬北山買賤西頭賣貴自然物及四生自然利資王化又怎生說箇佛道理良

云云勸君不用鑄頑石路上行人口似碑見傳燈錄

元
王真人德安人修煉於零陵之陽和山元初賜觀額為萬壽宮封懿德真人徵入朝遂不復返

明
人授以奇術棄家結廬山中曰寄寄巢修煉數年遂遍遊名山多在太台雁宕間山陰徐淮文長兄也師事之文長曾編以詩整歸貧甚常不舉火妻偕隱亦安貧不厭除夕不能具朝餼笑謂先生曰歲已暮矣何以度之不應作詩自吟曰柴米油鹽漿醋茶七般俱在別人家惟有老夫無計策開窗獨坐看梅花遂假寐出神語王孫菊叟以春故

王孫備物送之方及門而先生寤其奇幻多如此越數十年而死死之日道逢鄉人授以鑰寄其家家人駭之舉其棺輕甚蓋尸解云後數年又有人遇之於蜀峨眉山中先生著有證道歌及湘崖文集傳於世

徐渭文長詩並序鵬之遐翮秉龍蛇之屈伸嘗欲頂摩青天手弄白日不著上以灑渾元昔出宰扶溝晚節薄游四方挂冠拂衣如漚在滄海伯兄淮恬澹厭俗弱齡訪道垂五十春遭先生瀟灑而先生越放於山陰邂逅顧盼遂數語浹襟懸榻彌月既而先生鴻跡遠曠再渡錢塘期許後來成玉執鞭長侍豈謂未更寒暄伯已化為異物湘江並九疑顏何駐渭每念此輒為寒心頃者又將游湘江日吸沆瀣直指芝田家門一入死已矣生人馬異日極之游氣則天凡殊途相見無由緬懷伯氏重以離衷因獻五言○伯氏頗好道終歲事修服道上逢巽人髭鬚灑漠冀修禮重致問德音美如玉扣之轉微茫蟪蛄游廣漠冀得長奉侍雙飛向王屋人命安可期天猶互寒燠念別正徂暑墓草已更綠灑灑田中霜亭亭風際木逢師苦不早煉攝

明

秀峰禪師新田縣東山鄭氏子也母李嘗行道遇仙指池中蓮華曰是卽汝子也遂感蓮氣芳馨竟體乃有孕凡十八月而生秀峰甫能食卽不茹葷旣長娶婦避不同寢久之乃至零陵陽明山謁明性僧祝髮爲弟子時年方十三也廣東曹溪六祖者得宗門正傳秀峰夙心嚮之居陽明四年躬往曹溪從其徒裔受宗旨凡三年竟得道要於是復歸陽明居久之一日擊鼓升座與眾說偈畢復入室閉門且謂眾曰吾將於此中坐化矣俟三年乃啟門及期眾入視髮爪加長狀貌如生眾嘆異之時嘉靖三十一年其死時蓋年三十九也先是明藩南渭王孫菊坡邑人蔣湘崖俱好道與秀峰友及是二人至見其狀禮拜之且崇其

號曰七祖蓋以配六祖也額庵曰萬壽寺秀峰軀幹偉秀警穎絕倫奇幻多道術方家居時其母妻嘗殺一鷄迫與食之意欲破其素戒適外弟至與食一距秀峰旣食乃出至大江洞咯吐之雞活如故但缺一足耳隨躍入家其他事多類此今肉身存庵中歲時祀禱不絕

國朝

竹浪邑王氏子出家紫雲寺康熙中至湘潭愛錦鼈峯脚坐其嶺七日夜會大雪深七八尺許有兩虎從雪中出里人駭異建定海寺居之天旱禱雨能預定雨至時日皆奇驗乾隆四年五月某日忽約其友鄭生至曰今吾圓寂期曾約瀉僧爲吾舉火僧明日始到不及待倘舌本不化幸語無苦燒也瀉僧至果如所言建塔峯左自銘其額里人

肖像於昌福寺遇旱禱之輒應

湘潭縣志

永州和尚不知其姓長七尺餘少隨其父別駕某官蜀中好擊劍任俠嘗為人報仇匿跡塞上挽鐵弩射生番邊帥欲予以官不受能徒手搏虎松潘山中為害者殺幾盡一日殺虎嗅刀頭血有悟詣峩眉山伏虎寺落髮為僧然恆不樂居聞峩眉絕頂老頭陀年百歲跌坐懸巖中因跣足詣之頭陀笑曰若來耶此山非若安身處東走四千里遇馬祖即住為苦行僧可矣師未讀經錄不知馬祖為何如人以頭陀言即縛行帟東下瞿塘穿九谿歷洞庭瀟湘一日至武功山問同寓人馬祖居何處人曰豫章省城北門外七里街有藥師院咸稱馬祖道場豈其是邪師至藥師院見法象傾圮破殿半間恍然曰是欲我作苦行僧新此

道場也闕院前荒田三十餘畝積歲所入為修葺資二十餘年成巨刹湘潭張九鉞官南昌月夜櫂舟江岸聞踏水車人歌鏗鏘可聽問之曰此永州老和尚自作太平車水歌七言詩也入院訪之年八十餘贈以詩有曰參來猛虎刀頭血飛下峩眉雪頂身今日簸箕相對坐草書如斗尚驚人簸箕用馬祖偈中語也或曰師有異術能驅虎豹役鬼神以鉢汲水咒龍立退七里街居人有病者以手按其

頂即愈云

張九鉞撰傳

僧聖誠號粹然邑人幼祝髮綠天庵情粹能持戒律慕懷素之為人曰習其書資性聰慧於琴畫皆有通曉王宸守永見其畫賞之出所藏諸名蹟與觀而授以筆法宸固有畫名蓋斐然繼起於四王之後者也聖誠既得其師授其

畫益工嘗出游盡歷東南名勝至虎邱居久之當時名公巨卿皆與交而求畫畫者亦無虛日聖誠出嘗以一琴自隨遇佳山水輒一再彈弄以寫其幽曠又有所遇得其指授故益精於琴服一衲寒暑不易亦不辭濯蓋深於道行者凡出游三十八年比歸年七十矣猶清強如少壯道光二十二年卒夫僧流鮮以書名者自懷素而後當推聖誠今綠天庵石崖所鐫與錢學使澧聯句並息景巖石刻皆有龍蛇盤拏之狀可寶貴也聖誠又善詩有傳稿咸豐間以兵亂散佚今惟存與錢澧聯句數詩而已

蔣法旺水北路楠木冲人生於明季得正一真人法變幻無常初其村多泉苦潦用其術徙泉於半里外明季多旱年狂每入深巖叱睡龍起激水溉田由是多踵門延請後觸龍怒水驟湧數丈溺馬里人感其德祀之

諸朝選號聘吾福田鄉馬鞍嶺人母樵採天仙庵側生朝選比長遂奉佛絕葷酒以家貧習木工陽明山禪院火朝選爲重修之既成不取傭值年八十餘猶聰強一日具衣冠訣族父老徑詣天仙庵謁佛座前其子孫隨其後謂曰我與佛有緣從此去矣爾輩力行善可也語畢含笑而卒靜修上人祁陽李氏子幼祝髮於本邑崇佛庵閉門三載戒行精嚴既乃出行至南海普陀峨眉及九華五台諸山久之因亂歸居城東息景巖知縣胡廷槐契之令住持高山寺自此仍閉門靜如崇佛庵時不復遠遊矣高山寺者故唐法華寺遺址也靜修入庵時殿宇荒涼居僧不數人率饑凍難自給靜修乃爲講經越傭誦經以其所得贍

衣食又堅忍能勞苦斯夕誦經畫則率其徒負石土力作山故斜衍寺以外無平地至是擴舊基約十之五六併建兩廊僧舍裝飾神像煥然稱巨觀靜修少略識字於文字未嘗通曉至老忽爲詩往往有見道語如虎過林猶靜龍迴海不波蓋其卓卓者同治壬申七月跌坐說偈而逝其徒建塔竹林寺側邑人言靜修歿時方盛暑越五日顏色不少變手足溫軟猶能屈伸云

僧淡然幼聰穎博通經懺能詩書法亦工與劉雲莊昆季爲文字交其母張氏老無依淡然迎養之多方承順母百歲乃卒

僧廣松邑劉氏子狀魁梧性泊然喜長齋家貧初爲小買繼隸伍籍充馬兵以妻有邪行憤甚遂祝髮於西河彌陀庵時年三十聞龍王廟僧印川有戒行拜師之後屢出游南海晚歸駐江西會館昕夕課誦戒律精嚴一日忽謂其徒曰吾於某日時當死毋葬我爲建塔貯其尸可也及期果卒年八十七

